

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՅՈՒՆԻՔԻ ՄԱՐԶՊԵՏ

Ո Ր Ո Շ ՈՒ Մ

9 ապրիլի 2014 թվականի


N 54-Ա

2014 թվականի ապրիլի 18-ին «ՈՐՈՆՈՂԱՓՐԿԱՐԱՐԱԿԱՆ ԵՎ ՀՐԴԵՀԱՇԻՋՄԱՆ ԱՇԽԱՏԱՆՔՆԵՐԻ ԿԱԶՄԱԿԵՐՊՈՒՄԸ «ԿԱՊԱՆԻ ԱՆՊՐԱՆԻԿ ՄԱՐԳԱՐՅԱՆԻ ԱՆՎԱՆ ԹԻՎ 7 ՀԻՄՆԱԿԱՆ ԴՊՐՈՑ» ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՆՈՒՄ ՊԱՅԹՅՈՒՆԻ ԴԵՊՔՈՒՄ» ԹԵՄԱՅՈՎ ՑՈՒՑԱԴՐԱԿԱՆ ՀԱՏՈՒԿ ՏԱԿՏԻԿԱԿԱՆ ՈՒՍՈՒՄՆԱՎԱՐԺՈՒԹՅՈՒՆ ԱՆՑԿԱՑՆԵԼՈՒ ԵՎ ՈՒՍՈՒՄՆԱՎԱՐԺՈՒԹՅԱՆ ԴԵԿԱՎԱՐ ՆՇԱՆԱԿԵԼՈՒ ՄԱՍԻՆ

Ղեկավարվելով «Իրավական ակտերի մասին» Հայաստանի Հանրապետության օրենքի 19-րդ հոդվածի 1-ին կետով և «Արտակարգ իրավիճակներում բնակչության պաշտպանության մասին» Հայաստանի Հանրապետության օրենքի 15-րդ հոդվածով, համաձայն Հայաստանի Հանրապետության Սյունիքի մարզպետի 2013թվականի փետրվարի 2-ի «Հայաստանի Հանրապետության Սյունիքի մարզի բնակչության պաշտպանության համակարգի նախապատրաստման 2013թ. հիմնական միջոցառումների պլանը հաստատելու մասին» N10-Ա որոշմամբ հաստատված պլանի 14-րդ կետի 14.1 ենթակետի և արտակարգ իրավիճակների նախարարության փրկարարական ծառայության Սյունիքի մարզային փրկարարական վարչության պետի 23.03.2014թ. N20/218 զեկուցագրի, **որոշում եմ՝**

1. 2014 թվականի ապրիլի 18-ին անցկացնել «Որոնողափրկարարական և հրդեհաշիջման աշխատանքների կազմակերպումը «Կապանի Անդրանիկ Մարգարյանի անվան թիվ 7 հիմնական դպրոց» պետական ոչ առևտրային կազմակերպությունում պայթյունի դեպքում» թեմայով ցուցադրական հատուկ տակտիկական ուսումնավարժություն:
2. Ուսումնավարժության ղեկավար նշանակել Հայաստանի Հանրապետության արտակարգ իրավիճակների նախարարության փրկարար ծառայության Սյունիքի մարզային փրկարարական վարչության պետ, փ/ծ գնդապետ Ա. Հարությունյանին:
3. Ուսումնավարժության ղեկավար Ա. Հարությունյանին՝ ապահովել նախապատրաստական աշխատանքների իրականացումը, փաստաթղթերի մշակումը և ծանոթացումը ուսումնական վարժության մասնակիցներին:
4. Ուսումնավարժությունում ընդգրկել Հայաստանի Հանրապետության արտակարգ իրավիճակների նախարարության Հայաստանի փրկարար ծառայության Սյունիքի մարզային փրկարարական վարչությունը, «Գազպրոմ Արմենիա» ՓԲԸ Սյունիքի ԳԳՄ, «Նոստիկանության Սյունիքի մարզային վարչության Կապանի բաժինը, «Կապանի բժշկական կենտրոն» ՓԲԸ, «Սյունիքի մարզի «Կապանի Անդրանիկ Մարգարյանի անվան թիվ 7 հիմնական դպրոց» պետական ոչ առևտրային կազմակերպությունը:
5. Մարզպետարանի աշխատակազմի ղեկավարին՝ ապահովել սույն որոշումից բխող անհրաժեշտ գործառույթների իրականացումը:

«ՍՅՈՒՆԻՔԻ ՄԱՐԶՊԵՏ»



Վ. ՀԱԿՈՐՅԱՆ